

**Տ. ԱՐՇԱԿ ԵՊԻՄԿՈՊՈՍ ԽԱՉԱՏՐՅԱՆԻ ՔԱՐՈԶԸ՝
ԽՈՍՎԱԾ Ս. ԷԶՄԻԱԾՆԻ ՄԱՅՐ ՏԱՃԱՐՈՒՄ
ՄԱՏՈՒՅՎԱԾ ՍՈՒՐԲ ՆԱՐՈՒԹՅԱՆ ՃՐԱԳԱՆՈՒՅՅԻ Ս. ՊԱՏԱՐԱԳԻՆ
(11 ապրիլի 2009 թ.)**

Ձեզանից ո՛վ չի բախվել մահվան ահռելի իրողության հետ: Ձեզանից ո՛վ չի ունեցել կորուսարներ, ո՛ւմ սիրտը չի մղկտացել եւ չի ճնկվել հարազատի կորստից: Ո՛վ չի կորցրել հայր կամ մայր, զավակ, եղբայր կամ քույր:

Արդյոք ո՛վ հարյուր, հազար անգամ չի աղոթել Աստծուն եւ ասել՝ «Տեր Աստված, երանի մեկ անգամ մահվան սրվերը, մահվան խավարը պատռվեր, եւ մեր կորսված սիրելին, հարազատը, մեր հայրը, մայրը եւ վերադառնային եւ վերստին այցելեին մեզ ու ասեին մեզ, որ մահ կոչված այս մեծ անորոշությունն ընդամենը մեկ հանգրվանն է մեր կյանքի»: Եւ ահա այսօր մեր աղոթքները պատասխան են գտել, եւ ահա այսօր մեր երազները կատարվել են, մեր իղձերը մարմին առել: Նիսուս Նարություն է առել, վերադարձել է այն մեկը մահվան խորխորատներից, վերադարձել է այդ մեկը, որպեսզի մեզ ասի՝ «Ո՛վ մարդիկ, ձեր հարազատները, ձեր ննջեցյալները կորսված չեն եւ երեւի թե այդ ննջեցյալներն ավելի կենդանի են, քան շատ ու շատ ողջեր: Նիրավի, այդ պատճառով է ասվում սաղմոսում. «Յարիցէ Աստուած եւ ցրուեսցին ամենայն թշնամիք նորա» (Սղմ. ԿԷ 2): Յրվեցին մեր հոգին մաշող թշնամիները՝ տառապանքը, կասկածը, փրփրությունը: Տխրեցին եւ ցրվեցին բոլոր նրանք, ովքեր Քրիստոսի Նարության առաջին իսկ օրվանից կասկածով վերաբերվեցին Նրա Նարության անսուր ճշմարտությանը: Նրա Նարության առաջին իսկ օրից ասեկոսեներ, գրույցներ տարածվեցին, թե աշակերտները գողացան Տիրոջ մարմինը, եւ այն լուրը, թե Քրիստոս հարություն է առել, ընդամենը մի ստահող առասպել է: Բայց պատմությունը վկա, բյուրավոր հավատացյալ հոգիների վկայությունները վկա, որ Քրիստոս իրապես եւ վավերական հարություն է առել: Քրիստոսի Նարությունից ընդամենը երկու օր առաջ Պիղատոս անունով հռոմեական կուսակալը հարց ուղղեց Նրան՝ նկատելով որպես շարքային քարոզիչներից մեկը: Պիղատոսը հարցրեց, թե ի՞նչ է նշանակում ճշմարտությունը, քանի որ Քրիստոս Իրեն կոչում էր ճշմարտության քարոզիչ: Նավիտենական մի հարց, որը հուզել է բազմաթիվ մտքեր, հարց, որը հետաքրքրությունն է շարժել բազմաթիվ իմաստունների եւ իմաստասերների, հարց, որի պատասխանը, սակայն, մինչեւ Քրիստոս մարդկությունը, եւ այսօր էլ նրանք, ովքեր Քրիստոսի լույսից հեռու են ապրում, չեն կարողանում գտնել:

Նավիտենական հարցին Քրիստոս պատասխանեց հավիտենական մի պատասխանով, որը սակայն խոսքերով չէր արտահայտվում, պատասխան, որը կյանքի վկայություն էր, պատասխան, որը շարունակում է հուզել բյուրավոր մտքեր, փոխակերպել բյուրավոր հոգիներ, եւ այդ պատասխանը Քրիստոսի հարության վավերական ճշմարտությունն էր: Ավետարանն ասում է. «Ծանիջիք զճշմարտութիւնն եւ ճշմարտութիւնն ազատեսցէ զձեզ» (Յովհ. Ը 32): Ըստ երեւույթին մենք յուրաքանչյուրս մեզ համար ունենք դավանած ճշմարտություններ, բայց հաճախ մենք հուսախաբ ենք լինում, երբ տեսնում ենք, որ այսպես կոչված, ճանաչված ճշմարտությունները հաճախ չեն ազատում մեզ, չեն փրկում մեզ մեր մտապառն-

ջություններից, չեն փրկում մեզ մեր թշնամիների լարած որոգայթներից, չեն փրկում մեզ այն բոլոր պապուհասներից ու փորձություններից, որոնք օրեցօր ավելի ահագնացող թափով ծառանում են մեր առջեւ: Եւ սակայն այն ճշմարտությունը, որ Ավետարանը կոչում է մեզ ճանաչելու, ահա այդ ճշմարտությունն է, որ այսօր բացահայտվում է մեզ՝ Քրիստոսի անսուր Նարությունը: Ճանաչեցեք Նարությունը, ճանաչեցեք Ճշմարտությունը եւ դուք կհասկանաք, որ այս երկրավոր կյանքն ընդամենը մի խղճուկ եւ ճղճիմ հարվածն է հավիտենական մեր կյանքի, որին կոչված ենք ամենքս: Ճանաչենք այդ ճշմարտությունը եւ կհասկանանք, որ առօրյա դավադրություններն ու խարդավանքները, առօրյա մեր մրահուգություններն ու մրահուզումները, առօրյա մեր ամեն րեսակի զգայնություններն ընդամենը խղճուկ արքայացուլանքն են հաւիտենական այն կյանքի, որը պիտի ժառանգենք: Ահա այս ճշմարտության մասին է վկայություն փալիս Ավետարանը, եւ որը բացահայտում է Քրիստոսի անսուր եւ ճշմարիտ Նարությունը:

Սիրելի՛ բույրեր եւ եղբայրներ, մենք անցանք քառասնօրյա պահքի նավարկության մի երկար շրջան, հասանք լուսավոր եւ խաղաղ այն նավահանգիստը, ուր պիտի հանգչեն մեր հոգիները՝ Քրիստոսի սուրբ հարության լույսերի մեջ: Եւ այսօր, ինչպես Ոսկերեքան հայրապետն է պարզամում, «Ժամանակը չէ միմյանց մեղադրելու պաս պահելու կամ չպահելու մեջ, ժամանակը չէ միմյանց նկարմամբ կշտամբանքներ փոխանակելու, ժամանակը չէ միմյանց նկարմամբ ունեցած անհանդուրժողականությունը դրսևորելու, այլ բոլորովին հակառակը՝ ժամանակն է թոթափվելու միմյանց նկարմամբ խոչընդոտներ հարուցող զգայնություններից, ժամանակն է եղբայրական եւ մերձավորական սիրով փայփայելու միմյանց, որովհետեւ իրապես հարյավ Քրիստոս, իրապես Քրիստոսի հարությունն այսօր միացնում է մեզ ամենքիս: Միացնում է եւ ներշնչում վերստին այն միակ եւ բացարձակ ճշմարտությունը, որ ոչինչ չարժե երկրավոր այս կյանքում մեր թշնամությունը շարժելու, ոչինչ չարժե այս կյանքում, որպեսզի մենք միմյանց նկարմամբ անհաշտ եւ ոխերիմ փրամադրություններով լցվենք, այլ բոլորովին հակառակը՝ հարկ է, որ սիրենք միմյանց, լցվենք միմյանց նկարմամբ հանդուրժողականությամբ, հաշտությամբ, համբերաբարության ոգով ու սիրով: Այս է Տիրոջ Սուրբ Նարության օրը՝ Չարկական այս նախապոնակին, մեր Եկեղեցու պարզամը, այս է Քրիստոսի ակնկալությունը եւ սպասումը մեզանից, եւ այս է, որ մեզ վերստին ու վերստին ասել է փալիս. «Քրիստոս յարեաւ ի մեռելոց. մեզ եւ ձեզ մեծ աւերիս»:

Եւ այս աղոթքով նաեւ մեր մաղթանքը եւ խնդրվածքը բարձրացնենք առ Աստված, որպեսզի վաղը Նայրապետական Սուրբ եւ Անմահ Պապարագին Տերը գորացնի Ամենայն Նայոց Գարեգին Բ Նայրապետին՝ իր մխիթարական խոսքը բերելու, իր աղոթքը բարձրացնելու առ Աստված՝ վերստին ու վերստին հայցելու մեր երկրին խաղաղություն, մեր ժողովրդին՝ հաշտություն եւ համերաշխություն, մեր Եկեղեցուն՝ պայծառություն: Թող Տիրոջ Սուրբ Աջը լինի մեզ ամենքիս վրա, այժմ եւ հավիտյանս հաւիտենից. Ամեն:

Քրիստոս յարեաւ ի մեռելոց: